

Psalmus responsorius

Ps 29, 2 & 4. 5-6. 11 & 12a & 13b (Rx.: 2a)

Rx. Exaltábo te, Dómine, quóniam extraxísti me.

² Exaltábo te, Dómine, quóniam extraxísti me,
nec delectásti inimícos meos super me.

⁴ Dómine, eduxísti ab inférno ánimam meam,
vivificásti me, ut non descénderem in lacum. Rx.

⁵ Psállite Dómino, sancti eius,
et confitémini memóriæ sanctitátis eius,
⁶ quóniam ad moméntum indignátio eius
et per vitam volúntas eius.
Ad vésperum demorátur fletus,
ad matutínum lætitia. Rx.

¹¹ Audívit Dóminus et misértus est mei,
Dóminus factus est adiútor meus.

^{12a} Convertísti planctum meum in choros mihi,
^{13b} Dómine Deus meus, in ætérnum confitébor tibi. Rx.